

**8** (f) Politika alianco: *la ~o Berlino-Romo-Tokio*. ~ingo. Nabo. Kp pivoto, LAGRO. ~umi (ntr). Rotacii ĉirkaŭ ~o.

**Aktiva ALD** ~igl. **1** Stimuli, akceli. **2** (G) Doni al verbo ~an sencon aŭ formon. ~ismo. 1 Politika doktrino, celanta trudi la sukceson de partio per ĉiaj plej energiaj rimedoj. **2** § Pragmatisma doktrinaro, rigardanta la veron afero de la vivo k agado, multe pli ol de intelekto. **Retro**~az. Valida por la tempo antaŭa al la apero de la koncerna decido: *leĝo ne havas retro~an efikon*.

**akupunkturo** ㄱ. Kuracado, kiu konsistas en la pikado de difinitaj korpunktoj per tre delikataj pingloj.

**alero** (Avi). Diversmaniere movebla klapo metita ĉe aŭ apud la alopinto k uzata por doni ruliĝan movon al aviadilo.

**alfa**. Nomo de la unua litero de la greka alfabeto (= a). Ofte prefikse uzata en vicmontra signifo kun la senco de *unua* (Kp BETA, GAMA, OMEGA). ~radioj □. Unua speco de radioj emanantaj el radiumo k konsistantaj el pozitive ŝargitaj helium-atomoj kernoj. ~korpuskloj □. Heliumkernoj kun atomezo 4.

**\*Amaso** ALD RIM. La radiko estas ofte uzata prefikse, por montri, ke la koncerna ago trafas sendistinge tre grandan nombron da objektoj: ~produktado, ~propagando, ~movado, ~buĉado.

**\*Amplekso** ALD 2 (St) La intervalo inter la plej granda k la plej malgranda valoro en aro da nombroj.

**amplifiki** (tr) ㄱ. Plifortigi elektraĵajn oscilojn. ~ilo. Amplifikatoro.

**anaflaksio** ㄱ. Fenomeno konsistanta en la apero de fiziologia ŝoko ĉe la absorbo de la specifa proteino aŭ toksaĵo pro impresiĝemo kaŭzita de antaŭa injekto de la sama substanco.

**analgezio** ㄱ. Kompleta aŭ parta perdo de la kapablo senti doloron.

**aneŭrismo** ㄱ. Dilatiĝo de arterio: rompo de ~o.

**anstromo** □. Unuo de longo, uzata en spektroskopio, k egala je  $10^{-7}$  milimetroj (Å).

**antibiotiko** ㄱ. Nomo de medikamentoj, eliritaj precipe el mikroskopaj fungoj, k medicino uzataj en la infektoj por malhelpi la plimultiĝon de bakterioj. Kp PENICILINO, STREPTOMICINO.

**antitoksino** ㄱ. Substanco, memproduktata en la korpo de animalo k detruanta aŭ vaniganta la toksinojn.

**arja** (G). Rilata al antikvaj triboj k lingvoj de popoloj, kiuj fariĝis la Persoj k la Hindoj. ~anismo ㄱ. Pseŭdoscienco teorio, bazita sur la tri postulatoj, ke ekzistis unu pura ~a raso, ke ĝi estis supera al la ceteraj, k ke ĝiaj nunaj reprezentantoj estas la Germanoj.

**\*Arko** ANST 1 △ Parto de cirklo aŭ de alia kurba linio. **2** Objekto havanta tian formon: ~o de volbo, de fenestro; apoga, deŝarĝa, ronda, duoncirkla, triloba ~o; ~o pinta, rompita (= ogivo); mian ~on (ĉiel~on) mi metas en la nubon. **3** ㄱ Luma ~o formiĝanta inter du apartigitaj karbaj polusoj: ~lampo, ~lumo. **4** ㄱ Paf~o...

**armisticio** ㄱ. Militpaŭzo, difinita per detala skriba konvencio, k pli grava ol la simpla batalhalto.

**aroki** (tr). En ŝakludo, movi samtempe unu el la turoj, metante ĝin ĉe unu flanko de la reĝo, k la reĝon mem, metante ĝin ĉe la alia flanko de tiu turo.

**ascendi** (tr) ㄱ. Supreniri.

**assembleo** ㄱ. Interkonsiliĝa aŭ leĝofaranta organismo, kontraste al la plenuma responda instanco: *la ~o de Unesko*.

**asimptoto** △. Linio, kiun tanĝas certa kurbo en la infinito.

**aspirino** ㄱ. Medikamento, konsistanta el salicil-acetata acido k uzata kontraŭ febro k doloro —  $C_6H_4(OCOCH_3)$ .

**astragalo** ANST 3 ♥ Osto de la piedo, formanta artikon kun la tibio.

**Atomo** ALD Dis~igi □. Per speciala procedo, liberigi la ~an energion, rompante la ekvilibron, kiu tenis la elektronojn ĉirkaŭ la kerno. ~bombo. Dis~iĝanta bombo. ~kerno. Ronda parto de la ~o, ĉirkaŭ kiu rondiras la elektronoj. Kp DEŬTERONO, NUKLEONO, TRITONO.